



御

文

啓表

十九

三十七

表

三十六

啓

16
245
19



同會
攻印

和16
240
卷19

唐柳河東集卷第三十六

明樵李蔣之翹輯注

啓

上權德輿補闕溫卷決進退啓

唐史德輿字載

之洛陽人四歲能賦詩未冠以文稱諸儒間德宗聞其才召為太常博士改左補闕貞元中知禮部貢舉其拜侍郎凡三歲魏品詳諦所得士相繼為公卿宰相取明經初不限員故士多歸之子厚上此啓年十八時作。瑰琦而蒼古馳騁而精工最為啓中高作康海日句法騷快氣稟閑適可覓子厚少年文。字便灑然出塵。

補闕執事宗元聞之重遠輕適賤視貴聽所
由古矣竊以宗元幼不知恥少又躁進拜揖
長者自于幼年是以適俊造之末跡廁牒計
之下列賈藝求售聞無善價載文筆而鄙儒
林者匪親乃舊率皆攜撫相示談笑見昵嗻
嗻遂巡為達者嗤無乃觀其樸者鄙其成狎
其幼者薄其長邪將行不技異操不砥礪學
不該廣文不炳燿實可鄙而薄邪今鴛鴦充
朝而獨于執事者特以顧下念舊收接儒素

異乎他人耳敢問厥由庶幾告之俾識去就

幸甚幸甚

造初救切廁初吏切賈音古閭苦壁苦覓二切昵尼質切嗻一角切

啣於祇切透七倫切嗤音虫長上聲行去聲○造就也齊也俊士造上見禮記詩賈用不售楚辭嗻嗻今將慷慨激昂奮攘布衣縱譚

作者之筵曳裾名卿之門抵掌峩弁厚自潤
澤進猷無慙汗達者之視聽狂狷愚妄固不
可為也復欲俛默惕息疊足榻翼拜祈公侯
之闈跪邀賢達之車竦竄慄股競恪危懼榮
者倦之彌忿厥心又不可為也若慎守其常

確執厥中固其所矣則又色平氣柔言訥性
 魯無特達之節無推擇之行瓊瓊碌碌一孺
 子耳孰謂其可進孰謂其可退漢書以貧無
 為吏晉書瓊瓊常入碌碌凡士○林希元曰
 此二段俱詞采翻翻第一段言高談闊論恐
 汙達者之聽第二段言安常守分又慮無推
 醜勇上二段言安常守分又慮無推擇之行蓋
 將以可進可退者取決於德抑又聞之不鼓
 與也然可見見下子厚無頭腦處
 躡無以銘泥塗不曲促無以由險艱不守常
 無以處剛分不執中無以勸夷執今則鼓躡
 乎曲促乎守其常而執厥中乎浩不知其宜

矣逢退無倚宵不遑寐乃訪于故人而咨度

之王世貞曰此處關鍵尤佳其人曰補闕權君著名踰紀

行為人高言為人信力學揆文躬儕稱雄子

亟拜之足以發揚對曰衷燕右而履玄圃帶

魚目而游漲海祗取銷耳曷予補乎揆以冉切朋

作時儻床皆切○荀子宋之愚人得燕石於
 梧桐臺之東歸而藏之以為寶周容觀之掩
 口而笑曰此燕石也與瓦甕不殊十洲記崑
 崙山有玄圃臺衷懷也爾雅西北之美者有
 崑崙之墟璆琳琅玕焉晉書若玄圃之積玉
 文選盧諶贈劉琨詩序云所謂咸池醴於北
 里夜光報於魚目注夜光寶珠也魚目亂真
 珠也言現能醴詩是以寶珠而報魚目也維

書云秦失金其入曰跡之勤者情必生焉心
 鏡之象目入珠其人曰跡之勤者情必生焉心
 之恭者禮必報焉況子之文不甚鄙薄者乎
 苟或勤以奉之恭以下之則必勗勵爾行輝
 耀爾能言為建瓴晨發夕被聲馳而響溢風
 振而艸靡可使尺澤之鯁奮鱗而縱海密網
 之鳥舉羽而翔霄千之一名何足就矣庶為
 終身之遇乎曷不舉馳聲之資摯成名之基
 授之權君然後退行守常執中之道斯可也
建音響瓴音零鯁研奚切漢高紀田肯賀
 上日陛下治秦中地執便利其以下兵於諸

侯譬猶下居高屋之上建瓴水也瓴盛水
 瓶說文鯁刺魚也郭璞云似鮎四足 愚不
 敏以為信然是以有前日之拜又以為色取
 象恭大賢所飫朝造夕謁大賢所倦性頗疎
 莖竊又不能是以有今茲之問仰惟覽其鄙
 心而去就之潔誠齋慮不勝至願飫依據切
 論語色
取仁而行違書象
 恭泊天象貌也 謹再拜
 上大理崔大卿應制舉不敏啓一無不
 敏字
新史年表崔同嘗為大理少卿崔鏡
 嘗為大理卿然皆不見於傳子厚此
 啓蓋未中博學宏詞
 時作○流暢開麗

古之知已者不待來求而後施德舉能而已
 其受德者不待成身而後拜賜感知而已故
 不叩而響不介而合則其舉必至而其感亦
 甚斯道遁去遠闊于祀何為乎今之世哉若
 宗元者智不能經大務斷大事非有恢傑之
 才學不能撰奧義窮章句為腐爛之儒雖或
 真力於文學勤勤懇懇于歲時然而未能極
 聖人之規矩恢中作者之聞見勞費翰墨徒爾
 拖逢掖曳大帶游於芻齒且有愧色豈有能

乎哉問下何見待之厚也掖音赫○逢大也掖袂也始者
 自謂抱無用之文戴不肖之容雖振身泥塵
 仰瞻雲霄何由而能哉遂用收視內顧頽首
 絕望甘以沒沒也類與俯同今者果不自意他日
 瑣瑣之著述幸得流於衽席接在視聽閣下
 乃謂可以蹈遠大之途及制作之門決然而
 不疑介然而獨德是何收採之特達而顧念
 之勤備乎且閣下知其為人何如哉其貌之
 美陋質之細大心之賢不肖閣下固未知也

而一遇文字志在濟拔斯蓋古之知已者已
 故曰古之知已者不待來求而後施德者也
 然則亟來而求者誠下科也宗元向以應博
 學宏詞之舉會閣下辱臨破弟司其升降當
 此之時意謂運合事并適丁厥時其私心日
 以自負也無何閣下以鯢鱗之勢不容尺澤
 悠爾而自放廓然而高邁其不我知者遂排
 逐而委之委之誠當也使古之知已猶在豈
 若是求多乎哉

宋玉對楚王問鯢魚朝發於崑崙之墟暮宿於

孟諸夫尺澤之鯢豈能天仕進之路管者竊
 與之量江海之大哉聞于師矣太上有專達之能乘時得君不由
 乎表著之列而取將相行其政焉左傳叔向曰朝有著
定會有表會朝之言必聞於表著之位注著
定朝內外列常處謂之表著表者楚會設表
以為其次有文行之美積能累勞不由乎舉
 甲乙歷科第登乎表著之列顯其名焉又其
 次則曰吾未嘗舉甲乙也未嘗歷科第也彼
 朝廷之位吾何修而可以登之乎必求舉是
 科也然後得而登之其下不能知其利又不

能務其往則曰舉天下而好之吾何爲獨不
然由是觀之有慶錐力者以舉是科爲悅者
也有爭尋常者以登乎朝廷爲悅者也有慕
權貴之位者以將相爲悅者也有樂行乎其
政者以理天下爲悅者也然則舉甲乙歷科
弟固爲末而已矣得之不加榮喪之不加憂
苟成其名於遠大者何補焉然而至於感知
之道則細大一矣成敗亦一矣故曰其受德
者不待成身而後拜賜然則幸成其身者固

未節也蓋不知來求之下者不足以收特達
之士而不知成身之末者不足以承賢達之
遇審矣伏以閣下德足以儀世才足以輔聖
文足以當宗師之位學足以冠儒術之首誠
爲賢達之表也顧視下輩豈容易而收哉而
宗元樸埜昧劣進不知退不可以言乎德不
能植志於義而必以文字求達不可以言乎
才秉翰執簡敗北而歸不可以言乎文登場
應對刺繆經旨不可以言乎學固非特達之

器也刺方葛切 付省陋質豈容易而承之

哉叨冒大遇穢累高監喜懼交爭不克盛居

竊感苟登如實出已之德敢希豫讓國士遇

我之報楚也鄭賈人有將實褚中以出既謀

之未行而楚人歸之賈人如晉荀登善視之

如實出史記豫讓事智伯稱襄子成智伯

豫讓欲刺襄子曰智伯國 伏候門屏敢俟招

納謹奉啓以代投刺之禮伏惟以知已之道

終撫薦焉不宣宗元謹啓

上裴晉公度獻唐雅詩啓子厚所作唐雅詩見一卷

時為柳州刺史故啓云字在蠻夷也

宗元啓伏以周漢二宣中典之業歌於大雅

載於史官然而申甫作輔方名專淮夷之功

魏邠謀謨辛綽致罕羗之績文武所注中外

莫同申甫謂方叔名謂名公虎

也詩江漢篇尹吉甫美宜王也能與衰撥亂

命召公平淮夷又曰方叔元老其猷魏

邠謂魏相邠吉也辛綽謂辛武賢綽充國同

為破羗將軍有平先零之功漢書罕开皆氏

類伏惟相公天授皇家聖賢克合謀協一

德以致太平入有申甫魏邠之勤出兼方名

所可東集卷三十一

辛黼之事東取淮右北服恒陽畧不代出功
 無與讓故天下文士皆願秉筆牘勤息慮以
 贊述洪烈闡揚大勳淮右謂平吳元濟也恒陽謂成德節度使王承宗
宗獻德祿一州遣子厚為宗元雖貶辱斥逐守在蠻裔
柳州刺史猶欲振發枯槁決疏潢汙罄效蚩
 鄙少佐毫髮謹撰平淮夷雅二篇恐懼不敢
 進獻私願微聲聞於下執事庶宥罪戾以酬
 其心出位僭言惶戰交積無任踴躍屏營之
 至不宜漢音黃○平淮夷雅二篇一日皇宗武為晉公作一日方城為李愬作

元謹啓

上襄陽李愬僕射獻唐雅詩啓

愬字元直既平

淮右元和十一年十一月有詔檢校尚書左僕射襄州刺史充山南東道節度使兼鄧州均房等州觀察使賜爵梁國公山南東道其鎮在襄陽○虞集曰自是任什

宗元啓答周宣中興得其臣名虎師出江漢
 以平淮夷故其詩曰江漢之漑王命名虎其
 卒章曰于周受命自名祖命以剛虎者名公
 之孫克承其先也詩大雅江漢之篇名虎穆公各世本云康公十六世

孫○借題命意亦宛宛中意今天子中興而得閣下亦出
 江漢以平淮夷克承于先西平王其事正類
 然而未有嗣大雅之說以布天下以施後代
 豈聖唐之文雅獨後於周室哉唐史李晟封西平王李愬
 之宗元身雖陷敗而其論著往往不為世屈
 意者始不可自薄自匿以墜斯時苟有輔萬
 分之一雖歿不憾謹撰平淮夷雅二篇齊沐
 上獻誠醜言淫聲不足以當金石庶繼代洪
 烈稗官里人得採而歌之不勝憤踊之至旁稗

卦切○漢藝文志小說家流出於稗官注稗官小官也街談巷語道聽塗說所造也如淳曰王者欲知閭巷風俗故立稗官使稱說之師古曰稗音稀稗之稗國語為里人所命次注里輕黷威重戰兢交深謹啓

上揚州李吉甫相公獻所著文啓吉甫罷相

為淮南節度使時子厚在永州上此啓揚州即謂淮南也

宗元啓始閣下為尚書郎薦寵下輩士之顯
 於門闥者以十數而某尚幼不得與於斯役
 貞元初吉甫為尚書屯田駕部一員及閣下
 外郎漢書灌夫稱人廣眾薦寵下輩及閣下
 遭讒姤在外十餘年又不得效薄伎於前以

希一字之褒貶貞元七年四月陸贄為相出吉甫明州刺史歷忠柳饒三

州公遣之行也閣下乃始為贊書訓辭擅文

雅於朝以宗天下而某又以此時去表著之

位受放逐之罰荐仍囚錮視日請命永貞元年八月

以吉甫為工部郎中知制誥十一月為中書舍人翰林學士表著見前大理崔大卿啓永貞元年九月公自禮部員外郎謫刺州未至十一月再貶永州司馬員外郎命謂公命也

進退違背息欲一日伏在門下而不可得

常恐抱斯志以沒卒無以知於門下冥冥長

懷竟臆幽憤故敢及其能言貢書編文冒昧

嚴威以畢其志伏惟觀覽焉幸甚幸甚憤怨也言

幽怨者人莫能見明也閣下相天子致太平用之郊報

則天神降地祇出用之經邦則百貨殖萬物

成用之文教則經術興行用之武事則暴亂

翦滅依倚而員榮者盡去幽隱而懷道者畢

出然後中分主憂以臨東諸侯而天下無患

報謂報本反始元和三年九月吉甫罷為淮南節度使故云以臨東諸侯也盛德

大業允明如此而又有周公接下之道斯宗

元所以廢銅瀆歟而猶欲致其志焉閣下儻

以一言而揚舉之則畢命荒裔固不恨矣謹
以雜文十首上獻繆內而于丞相大罪也寧
為有聞而歎不為無聞而生去就垂堂不勝
大懼謹啓

謝吉甫相公示手札啓

時元和五年作
意寡而詞濫

是四六
本色

宗元啓六月二十九日衡州刺史呂溫道過
永州辱示相公手札省錄狂瞽收撫羈縲沐
以含弘之仁忘其進絀之罪感深益懼喜極

增悲之情交戰不知所措宗元性質庸塞行
能無取著書每成於廢疾進德且乏其馨香
常願操筆醫門掬溜蘭室良辰不與夙志多
違行去聲操蒼刀切筆音遂鄭玄別傳任
城何休好公羊學遂著公羊墨守左氏膏
盲穀梁廢疾玄乃發墨守鍼膏盲和廢疾云
書孟櫻非馨明德惟馨莊子醫門多疾願以
所聞思其則庶幾國有瘳乎又良醫之門昨
不在身疾家語與善人居如入芝蘭之室昨
者踴躍殘棄奮揚蓄念激以灰之氣陳其
辨箒之辭致之煙霄分絕流眄箒與帚同
莊子形如槁
木心若灰漢書韓安國云灰獨不復然
乎田甲曰然即溺之曹子建書云家有辨箒

千金享之今則垂露在手清風入懷華衮濫褻於
 精衣龍門俯收於培井藻鏡洞開而秋毫在
 照文律旁暢而寒谷生輝化幽鬱之志若觀
 清明換競危之心如承撫薦非常之幸豈獨
 此生積音者培坎陷音○范甯穀梁序一
 字之褒寵踰華衮之贈精衣罪人之衣
 師古云罪犯之衣精衣賈山傳精衣當道龍
 門河水所下之日在今山西河津縣辛氏三
 秦記曰河津一名龍門水險不通魚鼈之屬
 莫能上江海大魚薄集龍門下數千不得上
 上則為龍也又陝西韓縣亦有龍門山云亦
 與河津相接培井壞井也莊子培井之蛙伏
 於甃砌之崖藻謂文藻也寒伏以滄海劇九
 谷生輝借鄒子吹律之義

天之遙瀟湘參百穢之俗傾心積念長懸星
 漢之上流形委骨永淪魍魅之羣何以報恩
 唯當結艸魁抽支切魅音寐○淮南子何謂
 九天中央日鈞天東方日蒼天東
 北日變天北方日玄天西北日幽天西方日
 昊天西南日朱天南方日炎天東南日陽夫
 韓文云居蠻夷之地與魍魅為
 羣結艸詳見左氏傳魏顆事無任喜懼感
 戀之至

上江陵趙相公寄所著文啓趙相公宗
 儒已見前

注

宗元啓往者嘗侍坐於崔比部聞其言曰今

之為文莫有居翦司勳右者崔比部名騰字元翰宗儒貞元

中自翰林學士一再遷司勳員外郎自是恒欲節其所論若薦

之閣下病其未就將進且退者始十數焉幸

以廢逐伏匿獲伸其業類於嚮者若有可觀

然又以罪惡顯大甘灰荒墊不能出其固陋

以求知於閣下則固昧昧徒生於世矣謹獻

雜文十首儻還以數字定其是非使得存於

世則雖生與蠻夷居竟與魑魅游所不辭也

輕贖威重伏增戰惶謹啓戰惶一作惶惶

上嚴東川寄劍門銘啓

嚴礪字元明震之從祖弟元和

元年劉闢反自山南西道節度使討闢以儲備有素檢校尚書左僕射節

度東川子厚作銘以紀其事詳注二十一卷劍門銘中

宗元伏惟僕射以仁厚蓄生人以勇義平國

難而劍門用兵之重最為天下倡首取其險

固為我要衝王師得以由其門而入仿佯布

獲遂無留滯是閣下之勳力定著於萬祀而

不已也仿佯旁二音伴音羊獲戶故切礪與高崇文同征劉闢拔劍州斬其刺

史文昭德因分守險阻潰其腹心布獲散也宗元負罪俟命辱刻

觀望道里深遠不得悉聞當時之威聲然而
竊以累受顧念踴躍盛德恐沒身炎瘴卒無
以少報於閣下是以晝夜惴惴不克自盡今
身雖敗奔庶幾其文猶或傳於世又焉知非
因閣下之功烈所以為不朽之一端也敢默
默而已乎謹撰劍門銘一首惶恐獻上誠無
以稱宏大之畧亦足以發平生之心不勝慙
懼戰兢之至

上江陵嚴司空獻所著文啓
嚴綬華州華陰人撰

之從孫也元和六年三月以授檢校
司空出為荆南節度觀察度支等使

兼江陵尹

宗元啓伏念往歲司空由尚書郎出貳太原
宗元獲於天長專用候謁伏蒙叙以世舊許
造門闥自後司空累膺寵榮位極公輔貞元
中自司空員外郎為太原少尹尋加東都副相
字又加行軍司馬累遷尚書右僕射檢校司
空大長宗元得罪朝列竄身湘南霄漢益高
泥塵永弃瞻仰奄絕陳露無由湘南謂
永州司空
統臨舊荆控制南服道路非遠德化所覃是

敢奮起幽淪仰希炎耀伏惟憫憐孤賤特賜
撫存則縲繼之辱有望蠲除鳴吠之能猶希
效_ヲ用_ヲ謹_テ獻_ス雜_ス文_ヲ七_首伏_惟以_一字_定其_衷賤
終_身之_幸無_以加_焉
蠲音涓輕_黷威_嚴伏_增戰_戰

上嶺南鄭相公獻所著文啓

憲宗初以

章事繼出為嶺南節度使廣州刺史啓云一自得罪于今八年時元和七年

也

宗元啓伏見與當州韋使君書獲賜存問驚

作悼懼交動於中循念竟日若無容措幸甚

幸甚

韋使君永州刺史即子厚記新堂春

宗元素乏智能復闕

周慎一自得罪八年

于競愧弔影追咎既往

自以終身沈廢無跡自剛不意相國垂愍特

記名姓守突與者忽仰瞻於白日負泥塗者

遂自濯於清源快心暢目不知所喻

與於到

叫切睇音希从目一作从目有非是爾雅西南隅謂之與東南隅謂之突郭璞云與謂室中隱也禮曰婦伏以聖人之道與其室更突亦隱與也

進也不保其往故敢藻飾文字洗滌心神致

之門下祇俟嚴命伏惟收撫獎勵以成其終
謹獻雜文三十六首冒昧上黷無任踴躍惶
恐之至

上李中丞獻所著文啓

此即湖南李中丞也與前卷二

啓同其人

宗元啓宗元無異能獨好爲文章始用此以
進終用此以退今者良罪悔咎伏匿惴慄猶
未能去之時時舉昔長吟哀歌舒泄幽鬱因
取筆以書紉韋而編畧成數卷

紉女陳切說文紉結也

伏念閣下以文章昇太僚統方隅而宗元幸
緣罪辜得與編人齒於部內不以此時露其
所爲以希大君子顧視則爲陋劣而自弃也
永州在湖南管內故云部內 敢飾近文及在京師官命所
州者凡三合四十三篇不敢繁故也儻或以
爲有可采者當繕錄其餘以增几席之汚去
就鄙墊伏用競惶謹啓

上裴行立中丞撰訾家洲記啓

訾即移切又音

紫○元和十一年以御史中丞裴行立爲桂管觀察使故以桂州訾家洲

記屬子厚子厚至是移書獻之蓋當在十一年後刺柳州時作矣記見二十七卷

右伏奉處分令撰訾家洲亭記伏以境之殊尤者必待才之絕妙以極其詞今是亭之勝甲於天下而狼顧鄙陋使為之記伏受嚴命不敢固讓退自揣度惕然汗流累奉游宴竊觀物象涉旬模擬不得萬一竊復詳村進退若墜久稽篆刻則有違慢之辜速課空薄又見疎蕪之累慙期廢事尤有戰慄謹修撰訖

上獻退自踟躕不知所裁音局踟音育無任

隕穢惶恐之至

上河陽烏尚書重胤欲獻文啓一本止作上河

宗元啓伏以尚書以碩德偉才代著勳烈重胤

未足云紀兩河謂重胤少為路州牙將兼左兩河定亂三城建功鼎彝竹帛

父承珙事平盧軍有功宗陰與賊連吐突承璀將圖之以告重胤元和五年四月重胤縛從史以獻帳下士持兵斂手還部無敢動三城謂憲宗嘉重胤功擢

帥河陽河陽有二城故曰河陽二城節度後
 徙鎮橫海帝討淮蔡重胤以兵壓賊境
 進臨汝上控制東方隱然長城朝坐倚賴元和
 九年閏八月以重胤為汝州刺史宗元錐屏
 充河陽淮汝節度使徙治汝州
 棄遐壤而飽聞德聲所恨不獲親執鞭弭以
 備戎伍夙夜踴躍不克寧居左傳僖公二十
 耳日左執鞭弭右屬橐鞬爾雅弓有伏以威
 稜所加狂狡已震莫大之績重復增崇狂狡
 元濟也小子久以文字進身嘗好古人事業專
 當具筆札拂練緗贊揚大功垂之不朽練音

音 瞻望霄漢戀慕交深具黷威嚴伏增戰兢

唐柳河東集卷弟三十六終

唐柳河東集卷弟三十七

明橋李蔣之翹輯注

表

禮部為百官上尊號表

尊號昔有所無
有益自唐高宗
始稱天皇甲宗稱應天至明皇遂有
開元聖文神武之號自是以為法肅
宗即位次年正月遂加冊號代宗即
位次年七月羣臣遂上尊號至憲宗
立於永貞元年八月禮部百官復遵
此議子厚是時尚為禮部員外郎故
預作此表然是年九月黜為郾州刺
史繼貶永州司馬至元和三年憲宗
方上尊號也○黃震曰啓皆獻文乞
衰之辭表多世俗稱頌之語氣索理

短未見柳之能過人者

臣某言伏以聖王之纂承天位也臣子必竭
 懇誠獻尊號安敢為佞禮在其中一則以告
 天地神祇二則以奉宗廟社稷三則以安華
 夏蠻貊巍巍大稱其可廢乎臣等誠懼誠望
 頓首頓首伏惟皇帝陛下協周文之孝德禮
 文王之為世子朝於王季齊大禹之約身孔
 日三云云是其孝德也
 言禹非飲食惡衣服弘帝堯之法天論諸惟
 卑宮室是其約也
 惟堯過殷湯之解網史記湯出見桀張網四
 則之

人言網湯日噍盡未驗周月四海將致於時
 之矣乃去其二面
 雍書黎民於俯及元正率土更欣於再造詩
 土之然神人之願億兆之情有所不安率謂
 未盡善者以為帝德廣運而尊號猶闕書帝
 運乃聖郊廟備禮而祝嘏無詞嚴古雅切
 乃神郊廟備禮而祝嘏無詞受福日報
 凡百競懷華夷屬望臣謹按管阜陶之頌舜
 伊尹之頌湯皆臣子至公面揚君父以敷於
 當代以播於無窮夫豈飾哉率由事實帝王
 尊號蓋漸於此皇家光被四表祖宗列文時

當大和尊號表德耳目所接簡牘斯存稽之於前典則如彼攷之於聖朝則又如此今龜筮習吉元正戒期書龜筮協從下不當品物惟新之時乃臯王太禮之日陛下郊天地享宗祧祧他淵切○說陰陽協和動植交暢不建至尊之稱恐違列聖之心所以臣等昌歆陳聞請上徽號伏惟陛下小謙讓之節安延企之情特詔各儒禮官百僚庶尹詳明故實議崇聖德則人望永厭神心獲安山川效靈

允贊無疆之壽祝史陳信永彰不朽之功信或作言誤臣等蒙國寵榮備位班列無任懇望之至

第二表

臣某等言臣等再陳丹悃謹獻鴻名天意未從隕珉無措臣某誠惶誠恐頓首頓首謹按堯曰咨爾舜舜曰格爾禹此皆書湯曰吾自甚武自號曰武王出史記則堯舜禹湯皆當時王者之號也攷皇帝之故實徵往聖之憲

章父協禮經煥乎圖謀伏惟皇帝陛下允恭
 克讓約已謙尊參天兩地之功為而不有易參
 天兩地而安上理人之德置而不論孝經安
 倚數焉英善哉王言非羣下所仰望也然臣等伏
 於理至哉書肆類于以為尊號者所以類上帝饗祖宗帝類祭
 名萬人所稱百蠻所仰表聖德於率上播天
 聲於無疆臣下請之之謂禮帝主承之之謂
 季季大於讓禮先於謙百王不刊之典安可
 得而廢也臣等又以春秋本於又始者元始謂元年

春王正月公即位是也王褒傳元者一歲之
 又記曰惟春秋法王始之要晉春者四時之晉王者受命之晉正月者政
 教之晉郊天大禮者立極之晉今天地交泰
 俯臨元辰正始之美正當其運陛下確違羣
 願固守謙冲此臣等所以競惕失圖惴惶無
 措上冒嚴憲敢逃厚責伏乞俯垂天聽察納
 微誠詔禮官議臣所請詩揆之以日推禮日作于楚
 室揆虔奉鴻休盡敬於此猶恐天光未照三
 獻無徵彷徨闕庭伏待斧鑕鎮職無任聳望

之至

禮部賀冊尊號表

諸本皆題為禮部賀冊尊號表非是憲宗元和三年初加尊號睿聖文武皇帝至元和十四年七月再上元聖文神武法天應道皇帝子厚是時已為柳州刺史表疏可見非禮部表也當顯云柳州賀冊尊號表

臣某伏奉月日制元和十四年七月陛下膺受尊號率土臣子慶抃無窮臣聞立極之大四海無以報神功配天之尊萬物不能崇聖德唯有徽號是彰中興所以上撥天心下極

人欲中謝伏惟元和聖文神武法天應道皇

帝陛下統承千載炎被六幽蝨賊盡除福應

皆集蝨音示賊一作蠶。蝨賊並食苗之蟲。有昔有趾咸識太

平勲臣增爵祿之榮戎士加賞延之寵片善

必錄微功盡陞獨惟聖謨事絕酬答萬國缺

望百功怨息缺古穴窺睡二切功定。缺望然望也。是以啓

元和之盛典延穹昊之景祚理歷凝命寶曰

聖文和衆定功時惟神武運行有法天之用

變化為應道之方鬼神協謀夷夏同志大禮

既建鴻恩遂行歡呼遠匪於九圍滲漉曾周
 於八齋慶盈邃古美冠將來滲所禁所錦二切漉音鹿詩
帝命式于九圍注九州也滲漉謂潤澤下究也臣獲守蠻荒遠承大
 典廣行北極河清幸遂於千年文選運命論黃河清則聖
人生注黃河塵壤均微山呼願同於萬歲武漢
元封元年有事華山登高更卒咸聞呼萬歲者三無任慶賀屏營之
 至

為京兆府請復尊號表三首

此表為德宗所作也

下為耆老等請復尊號表二首皆同蓋子厚為藍田尉時作

臣某言某月日諸縣耆老某等若干人請臣
 陳狀辭意迫切以陛下尊號未復請請闕上
 表者人心已鬱安可久違天意實勤諒難固
 拒擬狀感悅深契微誠臣某誠懇誠迫頓首
 頓首伏惟皇帝陛下聖神之功貫於天地文
 武之道盈乎古今盛德愈大而謙允益深玄
 化已成而徽號未復群臣上尊號曰聖文神
武皇帝興元元年正月癸亥朔詔中外書奏不得言聖神文武之號遂使神祇
 缺望人庶怨思沐浴鴻澤者敢懷晷刻之安

捧戴皇恩者不知寢食之適負媿懷憤萬方
 一心日月以冀遂淹星歲思一況今地不憂
 寶致百穀之豐穰天惟降衷呈殷瑞而繁秀
 汚萊瘠鹵之地混成大田艸木蟲獸之微化
 為神貺萬靈垂鑒昭然甚明此而不從臣所
 大感瘡秦亦切鹵郎古切禮地不受其實
 鹵鹹也詩矧又兵戎永戢夷狄咸懷昭然長
 春樂以終日夷狄咸懷一作夷夏懷是以青
 老等深感聖育踴躍不寧上奉天恩跼蹐知

懼頓顙闕下願復鴻名不謀而同無期而至
跼蹐音局此皆上玄幽贊以誘其衷列聖垂靈
 以悟其意臣以為陛下當敬于斯旨不可忽
 也臣又伏以陛下賞功與能舉賢出滯小言
 不廢片善是褒豈可使臣子之效雖微而必
 旌君父之德盡美而無稱凡在覆載不勝懇
 禮恐懼之至不勝上一有兢惶四字謹
 封者老等狀奉表昧死陳請以聞謹言
 弟一表關或以下為春老等請復
尊號弟一表補之非是

弟三表

臣某言臣伏以耆老等竝皆發丹誠將貫白日請復微號以光聖謨中無字臣以其懇款自中不可禁止遂抗表陳請備述微誠伏奉墨詔批答未蒙允誠者奴心尚阻天意未從懇迫逾深兢惶無措臣某伏惟皇帝陛下道大益謙化成彌損雖江海善下每應朝宗之心而日月居高久稱照臨之位况復上承天命而觀人誠若然辭之理有不可幸老子江海所以能為百川

王者以其善下之也伏以陛下功參造化政體乾坤萬邦宅心百靈效職此聖之至也克

知二有剛竝兩曜信如四時先天不違窺神

宅心知化此神之極也極一本道德純備禮樂興

行宸翰動於二光睿藻寤於六義此文之備

也詩序故詩有六義焉兵不試七德咸宣殊方者知

歸負固者率服此武之成也周禮師兵掌五

矛夷矛不試不用也左傳武禁暴戢兵保大

定功安民和衆豐財者也武有七德我無一焉

黃龍皓兔甘露慶雲神禾嘉瓜祥蓮瑞木

萬物暢遂百穀茂滋此天之至靈也皓亮白也

黎老班白伏守闕庭鏗發童幼謠歌遵路此

人之至誠也發力之切有其德而無其號拒乎天

而違乎人雖陛下謙讓之至美抑非臣心之

所安也伏以賤志難明微誠莫達戴天彌懼

履地益慙不任懇迫屏營之至伏願早建大

號以稱天人之心謹再奉表昧死陳請以聞

一無再字

為耆老等請復尊號表二首

一本無首字

京兆府長安縣耆老臣石靈等言靈一作靈

臣伏以陛下尊號未復時貞元一十九年十八年盛

德允大玄化益被一作盛德彌加以休徵咸

集福應具臻至於今歲紛綸尤盛風雨必順

生長以時五稼盡登萬方皆稔神意人事正

在於斯天不可違人不可弃臣等誠懇誠迫

頓首頓首臣聞恩深必報德盛必崇以陛下

九重之尊推崇無上以陛下四海之大報效

何施唯有尊各用允望理闕然未復誰所敢

安臣心則微天意甚重伏惟皇帝陛下體昊
 穹以施化虔上帝以致誠今卽千祥應期百
 神奉職飛走之物皆已效靈艸木之類咸能
 應聖天命降於上人誠發於中此而可辭孰
 云有奉況堊多滯穗畝有餘糧詩此有滯穗
伊寡婦之利
 足食之慶充盈於京坻水中可居曰坻方言
六坻場也梁宋間
 之庾粵謂之坻詩曾孫
如京坻小丘也阜財之謠歡呼
 於道路史記舜南風詩可
以阜民之財分盡非人力皆是天
 成神祇之望旣勤遐邇之心又迫況臣等得

生那旬幸遇盛明身體髮膚盡歸於聖育衣
 服飲食悉自於皇恩被玄化而益深望鴻名
 而未覩懇倒之至夙夜不寧謹詣允順門昧
 死請復聖神文武之號以副天地宗社之心
 使海內赤子得安其所臣等不勝懇倒迫切
 之至謹奉表以聞

第二表

京兆府長安縣耆老臣石靈等言伏奉墨詔
 批臣所請復尊號未蒙允許者捧對悞遽不

知所裁天實命之於臣何有批去臣所請復尊號七十一字一作批

答臣等臣等誠懇誠懼頓首頓首臣聞聖君

以奉天為心不以謙沖為德以順人為大不

以崇讓為優今陛下深拒天人之誠猶懷謙

讓之道臣等愚惑未知所歸且百祥薦臻特

表昊穹之睠不敷蕃熟用彰后土之勤億兆

嘖嘖籲天請命上下交應幽明同心舉而違

乏臣所未識嘖音敷書無辜況臣等共被

仁育同臻大和陛下德達上玄以豐臣之衣

食道躋壽域以延臣之歲年沐浴皇風二十

餘載兒童感化鰥寡知恩故臣等出鄉之時

歡呼遍塗間里勉臣以不進不止妻孥誓臣

以不遂不歸唯竭血誠退無面目僂當隕首

闕下終不徒還伏惟陛下照臣懇迫之情哀

臣羸老之命情一作誠臣等不勝嗚咽慙恨之至

謹奉表陳謝以聞

禮部為文武百寮請聽政表三首一本作四

直○此表為順宗而作也貞元二十一年正月癸巳德宗崩丙申順宗即

和一百家請聽政子厚
是時為禮部郎官作

臣某等言臣聞大道必體於至公大事莫高於善繼上觀列聖旁攷前王罔不俯就禮文仰承大事嚴奉宗廟慰安元元然後德教惟新邦家永固伏惟皇帝陛下寢苦泣血號慕無時苦詩廉切○苦艸也居空以為覆席貫于神明動于天地未臨庶政猶狗至誠凡在人臣孰不哀懼伏惟先聖遺旨俾陛下抑哀而聽政本朝乏人使臣等竭忠以奉上非敢懼歿輒布懇詞期

於必從以慰寰宇且王業至重軍國方殷一日萬機不可暫闕伏願追遵顧命蹈履成規恢王者華夷之望順上帝乃眷之懷臣等不勝哀迫誠懇之至

弟一表

此表元獻本據文苑英華所載子厚弟一表也謂舊表乃林逢請聽政弟一表今附篇末

臣某等言臣聞聖凡殊途邦家異禮故王者捨已從物用身許天雖居達喪猶以事奪喪也猶伏以大行皇帝道成鑄鼎仙等御龍萬

姓長號九有顯望號平聲。黃帝采首山銅鑄鼎於荆山下。鼎既成有

龍垂胡鬚下迎黃帝。帝騎羣臣後宮從上。龍七十餘人。因各其處。曰鼎湖。陛下以

聰明睿聖嗣守寶圖爰及宅憂迨茲累日而

季思罔極尚輟乃雍之言庶政未釐頗闕如

絲之命書王官憂謀陰祀宅居也。詩永言

諒陰三年不言言乃雍。禮王言姬絲其出姬綸。臣等嘗覽載籍麤知

喪紀若成周顧命歷代猶遵西漢詔音前主

所奉詔音一作遺詔。成王將崩命召公異

有遺詔以令天下。我國家以季理天下文明應

期上用此法胥以傳授蓋事歸至當則不可

不遵禮貴從宜則不得不守理固然也禮記禮從

宜臣等是以上陳愚懇輕贖宸嚴冀遂血誠

俯親國政而陛下報喪逾切聽理未聞億兆

嗷嗷不知所訴臣以為天子之季在於保安

社稷司牧烝黎功勤百主慶流萬代亦何必

守臣下之小節茂皇王之太猷固阻羣情務

成謙德伏願以遺詔為念奪在疚之懷就臨

輒之制天下幸甚

附舊弟之二表

伏奉大行皇帝知陛下至性自天恐陛下
執哀過毀上惟九廟之重下念萬務之殷
故遺詔丁寧俾遵舊典今百辟卿士顯然
在庭瞻望清亮已七日矣貞元二十一年正月庚子固
陳誠請猶未允從內外憂惶莫知所出臣
聞大孝之本繼志為難酌禮之情得中為
實是以哀迷期數哭泣有常俯而就之聖
人所重禮記賢者可使俯而就之知難繼也

不為禮記買道而伏願少抑哀懷仰
遵聖命以副神祇之望以安億兆之心光
祖業於無窮流德化於天下凡在臣子孰
不悲戴

弟三表

伏以萬機至重遺旨難違再獻表章上塵旒
展精誠徒竭天意未迴內外遑遑人神企望
旒謂冕旒臣聞王者之孝異於匹夫禮不相
沿道資適變當承李之代故殷帝宅憂而不

言遇有事之時則周主未葬而誓殷帝謂高宗周王謂武王也況今戎車猶駕邊候多虞兩河之寇盜難除百姓之瘡痍未合亂者息理危者求安天下嗷嗷正在今日誠宜抑其至性以副羣心成先帝之大功繼中興之盛業豈可寢苦啜泣庶政闕然詩啜泣其泣矣何嗟及矣九廟之靈何報萬方之望何塞臣等職參樞近誠切邦家若陛下未忍臨軒尚持前志臣等有死而已不敢奉詔不勝哀追懇切之至

賀踐祚表

此表順宗即位之日子厚代一節鎮作也

臣某言太子中舍嚴公弼至

嚴公弼山南西道節度使震之子

貞元五年奉某月日敕著慰諭伏承陛下以

某月日虔奉典冊允昇寶位貞元二十年正月癸巳德宗崩

丙申順宗即位凡在羣生孰不慶幸臣某誠懼誠忤

頓首頓首臣聞天地泰而聖人出雷雨解而

品物榮子解下監切是以五行法用水火夏其位十

葉重光宗廟輔其德殷宗龔默再開成湯之

業漢文聰明克承高祖之緒陛下重難出曜

體乾繼統主彰季業之美撫軍著神武之功左傳行日撫欽奉遺訓永保鴻業奉一遇軍中日監國密之中施雨露以被物遐適之地觀日月之繼明則四維之外八極之表人神胥悅艸木皆春煦姬生成不失覆載煦呼旬切姬於遇切况臣謬膺藩守累受國恩爰自出身泊乎領鎮沐浴聖澤優游昌時不獲覩闕庭之禮展臣庶之分戴天賀聖倍萬恒情

禮部賀改永貞元年表此乃憲宗即位改元之表也貞

元二十一年正月順宗即位八月立皇太子為皇帝是為憲宗改元永貞子厚是時為禮部郎中

臣某等言伏奉今日誥今日九日冊皇帝改貞元二十一年為永貞元年自永貞二十一年八月日昧爽以前應犯家罪特降從流流已下遞降一等貞元二十一年八月庚子順宗制太子即皇帝位朕稱太上皇制敕稱諸寶命方始聖曆用彰辛丑誥改元永貞元年載宜臨照之明遂施渙汗之澤臣某等誠慶誠賀頓首頓首伏以重光下濟積慶旁行漢

祖推奉教之尊文王遂無憂之志史記漢高帝六年又

月丙午詔曰父有天下傳歸於子子有天下

尊歸於父朕披堅執銳平暴亂請侯皆太

公教誨也今尊正名紀曆表運行於萬方

作有過輕刑流汪濊於四海濊音歡呼林路

遐適使同臣某等親奉聖謨仰承大化踴躍

之至倍萬恒情無任蹈舞欣慶之至

禮部太上皇誥定今皇帝即位賀表順宗

上皇太子為皇帝自稱曰太上皇自皇

帝即憲宗也此表時子厚為禮部郎

作

臣等言伏奉今日順宗立嗣永貞太上皇制

命陛下即皇帝位元年八月庚子丕承鴻業溥天

率土慶躍難勝臣某等誠喜誠欣頓首頓首

臣聞皇建其極存請太訓帝出于震震在易

經太訓謂繼明以照于四方重熙以臨於萬

國于一作乎易大人動植品彙永賴昭蘇

山川鬼神咸用欣戴臣某等獲備班刻親仰

聖明踴躍之誠倍萬恒品無任欣躍喜慶之

至

順宗立嗣永貞太上皇制

禮部賀立皇太子表

子厚為禮部郎官時作

臣某等言伏奉今月二十四日制廣陵郡王
 寔册為皇太子改各某仍令所司擇日備禮
 册命者順宗貞元二十一年二月二十四日
 立子廣陵王淳為太子改各純即憲
 也天序有奉皇圖載寧臣某等誠慶誠賀頓
 首頓首臣聞尚書載以貞之文書一人元良
 漢史傳早建之義漢文帝元年有不唯立愛
 期在繼明易期一作其書立愛惟親陛下奉
 率前規敷揚盛典顧茲守器之重爰正承華

之位

易守器者莫若長子承華太子官名尊義方之教載錫嘉

名崇建樹之禮式允典命

樹一作堅左傳

自符於慎擇必子之選遂合于至公春秋傳

以長不邦本不搖王業彌固此皆宗社垂祉啓

祐皇心乾坤合謀保安聖運足以播休氣於

四海洽大和於萬靈食毛含齒所同歡慶臣

等奉承制命蹈舞周行踴躍之誠倍百恒品

無任慶忭感悅之至謹奉表陳賀以聞

禮部賀皇太子冊禮畢德音表

此表為禮部郎

官時

臣某等言伏奉今日制皇太子冊禮云畢思

與萬方同其惠澤者貞元二十一年四月戊

申詔日冊禮二畢感慶

交懷思與萬方同其惠澤繫因大典斯舉鴻

恩遂行凡在率土不勝忭躍臣某等誠喜誠

賀頓首頓首伏惟皇帝陛下克奉神休以正

邦統建天下之本宗廟以安致萬國之貞兆

人依賴典冊既被慶澤載流既廣慶而推恩

亦好生而布德緩刑而囹圄知感進勳而嗣

續增榮詔云赦京城繫囚大辟降從流流已

下減一等又文武常參并州府縣官

子為父後者崇教諭之方忠良是舉嚴贊襄

賜勳兩轉之禮賜與有加

襄一作相詔云古之所以

之法於訓辭而行其典禮左右前後罔匪正

人是以教諭而成德也給事中陸質中書舍

人崔樞積學懿文守經據古夙夜旌孝悌以

講音庶叶于中並充皇太子侍講旌孝悌以

厚於人倫敬鬼神而修其祀事詔曰天下孝

子順孫先旌

表門閭者委所管況行禮之日則屏翳收蹟

州縣各加存卹用彰出震之休夏表重離

之曜神化旁暢皇風遠揚自華及夷異俗同
慶臣等謬參著定倍首恒情著定位序也無任歡
慶踊躍之至

為王京兆皇帝即位禮畢賀表

王京兆謂王權

也貞元二十一年二月自鴻臚卿為京兆尹憲宗即位子厚為代作賀表下又有代作賀表凡六首

臣某等言臣聞大人繼嗣百神所以受職天子有遺萬國由是承風左傳天子有道守在四夷伏以皇帝陛下纘聖垂休順時御極負辰而外朝夷

夏踐祚而統和天人辰隱登切○明堂位天子負斧展南面而立注

負背也辰戶牖間也踐履也幽明感通遐邇昭泰遂使祥

介下燭嘉氣旁通周王謝流火之符書武王渡孟津

白魚入于王舟有火復于王屋流而為鳥又一年凡分至啓閉書雲物為備故也食毛含齒歡忭無窮食者食也

臣某等幸覩昌時獲奉太慶踊躍之

至倍萬恒情無任蹈舞欣躍之至

代韋中丞賀元和赦表

此表憲宗即位之初與刺史韋君元大赦子厚在永凡十一年歷刺史者六

作也子厚在永凡十一年歷刺史者六

人韋其姓者，而其名不可改。

臣某言伏奉正月二日制大赦天下永貞二
 年宐改元和元年太陽既昇煦育資始需澤
 斯降膏潤無遺需普蓋切臣某誠慶誠賀頓首頓
 首伏惟皇帝陛下仁化旁流季理弘闡紀元
 示布和之令周禮正月之吉始和肆眚見恤
 入之心書青災肆赦春秋莊公曠然滌瑕得
 以遷善渙發大號申明舊章農有薄征禮薄
 刑施舍市無強價價作位勲勤是錄爵秩以
 以責買也

班寵寧聞於幽朔澤必周於夷夏近甸輕權
 酷之入遠人忘水旱之災既行慶於官僚亦
 推恩於天屬諸生喜黌塾之廣庶老加絮帛
 之優量入所以備凶典廉期於變俗爰褒有
 客尊賢之典惟新詩周頌有客謂王之後為客也載奉素
 王宗予之道斯在禮檀弓孔子曰綸言一降
 庶政舉行懷生之倫感悅無量臣某等守在
 遐遠親奉詔條踴躍之誠倍百恒品無任感
 恩忭舞屏營之至

禮部賀冊太上帝后表

永貞元年八月
太子子為皇帝自稱曰太上帝立其皇
王氏為太上帝后今表所賀即此也
董氏冊太上帝后本紀不
載子厚時尚在禮部郎云

臣某等言伏奉今日日詔良娣王氏冊太上帝

皇后良媛董氏冊太上帝德妃室令所司備

禮冊命者永貞元年八月辛丑太上帝詔曰

修形管之規克佩姆師之訓自服勤蘋藻祇
奉宗祀今範益彰母儀斯著爰正長秋之位
以明繼體之尊良媛董氏備立後庭素稱淑
慎進升號位禮亦宜之良娣可冊為太上帝
后良媛董氏冊為太上帝德妃母儀有光坤道
仍令所司備禮擇日冊命

克順陰教方行於萬國內理克和於六宮克

作已。禮記天子后立於六宮三夫人九嬪二十
十七世婦八十一御妻以聽天下之內治

臣某等誠慶誠賀頓首頓首伏惟皇帝陛下

對若天休奉揚睿旨長秋既登其正位長秋

名祿狄亦被於恩祿音提。祿刻雉飾服也周禮內司服掌王后

之六服禕衣祿狄關狄奉養見三朝之安文

鞠衣展衣緣衣素沙於寢門外問內豎之御者曰今日安否何如

至亦如之及暮又至亦如之周旋有四星

之輔史記天官書後宮四星未大豈獨配乾

稱大助日為期所以表王化之源知孝悌之本
冠映千古儀刑四方臣某等捧戴施行踴躍
無地無任蹈舞欣喜之至

禮部賀太上皇后册畢賀表

臣某等言今日日太上皇后册禮云畢率土
臣妾慶忭無窮臣某等誠慶誠賀頓首頓首
伏以太上皇后著虞嬪之至德書釐降二女
虞嬪嗣周母之徽音詩太姒嗣徽表率六宮
明彰萬國陛下克修理本以暢化源神道知

事地之方人倫識尊親之大禮記因天事
因地事地登

惟婦順斯備陰禮用修禮成婦禮明婦順又
申之以著代所以重

責婦順足以播正始於王風致時雍於帝典

王一作國詩周南各南正始之
道王化之基書黎民於變時雍臣某等謬

塵榮位獲覩盛儀踴躍之誠倍百恒品作百一
萬

賀皇太子晟皇太子者憲宗也時子厚
尚在南宮代藩岳所作

某言伏奉日月制書貞元二十一年四月癸
卯立廣陵王為皇太子

殿下祗膺茂典位副青宮青宮東宮也神異
經東方有青宮石

為墻高三仞門有銀榜以青
石碧鏤頭日天地長男之宮溫文允三善之

名禮記行一物而三善皆得者唯世子而
其齒於學之謂也其一知父子之禮其二
知君臣之義其三繼照協重離之慶
易明兩作
繼明照之節
千四方萬葉固本羣方宅心含生之徒孰不
欣載況其夙蒙期獎職在藩方懼怵之誠倍
萬恒品

御史臺賀嘉禾表

嘉禾圖貞元中幽州

子厚於貞元十九年尚為監察御史
及二十一年方遷禮部員外郎此表
當時為御史
史時作

臣某言今日日宰臣以幽州所進嘉禾圖各

一軸示百僚者伏以嘉穀順成靈貺昭格天
 人合應遐邇同風臣某誠懼誠慶頓首頓首
 伏惟皇帝陛下睿謀廣運神化旁行植物知
 仁祥圖應聖靈岳不愆於贊祐靈岳謂燕谷
 用途於生成郊衍在燕燕有谷地美而寒不
至百穀生今豐稔既均知湖南之被澤休嘉
名為黍谷克協見天地之同和六穗慙稱於漢臣司馬
封禪書嘉異畝恥書於周典唐叔得禾異畝
穀六穗王命唐叔作自中形外均慶同歡臣某謬職
歸禾嘉禾

憲司獲覩休瑞無任欣躍之至

禮部賀嘉禾及芝州表

子厚時為禮部員外郎作

臣某等言伏見今月某日內出劔南所進嘉

禾圖及陝州所進紫芝州示百寮者

劔南謂西

川節度使韋臯陝州珍圖煥開瑞彩交映遐

邇借至福應攸同臣某等誠慶誠賀頓首頓

首伏惟皇帝陛下緝熙至道保合大和

易首出庶

大和天惟發祥地不虞寶

詩澹香惟商長發其祥嘉

禾擢質靈艸抽英獻于王庭唐叔慙同穎之

異薦諸郊廟班史謝連葉之奇

漢書武帝紀甘泉宮生芝

艸九莖連葉乃作芝

既呈蕤蕤之祥更覩煌

煌之秀

蕤魚紀魚力二切○詩黍稷蕤蕤攸介攸止

豐年斯著聖

壽用彰飲和之人懽怍無極臣某等優游至

化披翫殊姿慶怍之誠倍百恒品

京兆府賀嘉禾白兔連理棠樹等表

子厚

為藍田尉所作

臣某言今日日中使王自寧出徐州刺史張

愔所進嘉禾圖及白兔兒一并出陳許等州

觀察使上官說所進許州連理棠樹圖示百
 寮者貞元十六年六月以徐泗濠節度使張
封建之子惜為徐州刺史節度觀察
後貞元十八年八月以上
官說為陳許等州觀察使惟天眷命是降百
 祥惟聖欽承用膺多福臣某誠慶誠賀頓首
 頓首臣伏以大和所蒸至德斯應圖物獻瑞
 周於遠方神瓜合形式表縣縣之慶詩縣縣
 異棠連質用彰燁燁之榮榮一作休況金風發祥
 白兔來擾擾馴也告有秋之嘉應著成歲於神
 功雜遝紛綸如山斯委還音人盡登於壽域

物咸暢於薰風況臣特感深恩欣逢眾瑞踊
 躍之至倍萬恒情

禮部賀甘露表

自此已下四表皆子厚
 貞元二十一年二月遷
 禮部員外掌尚書牋表時作○李東
 陽日讀唐宋表大都詞簡而意盡格
 古而語高子厚
 此作尤傑然者

臣某言中使王自寧至伏奉宣聖旨出延和
 殿前丁香樹甘露一太合示宰臣未時又出
 一太合令明日示百寮甘露見降未止者玄
 化升聞靈貺昭答必呈尤異之應以告天地

之和按淮南子君岐治則軒轅之次臣某誠

懽誠慶頓首頓首伏惟皇帝均煦育之功敷

滲漉之澤大和潛達闕瑞克彰發於天霄特

降宮樹朝爇初燭方湛湛而不晞畏景轉炎

夏灑灑而未已湛文減切○詩湛湛露斯匪

綴葉而珠幾積耀盈器而冰玉呈姿芳襲

椒蘭味兼飴醴怡音然則零其庭而著異紀

於年以標奇徒矜往辰孰並茲日漢書揚雄

三王國家殷富上下交足故有甘露零其庭也漢宣帝元康元年甘露降未央宮大赦於

是以紀其年况樹有丁香之珍殿即延和之號所

以着芳風之遠播期聖壽於無疆按漢武帝

以承露和玉屑飲之云可以長生故此因甘露而日期聖壽也事絕古今慶

傳遐邇臣謬承渥澤獲覩殊祥忭躍之誠倍

萬恒品

禮部賀白龍并青蓮花合懽蓮子黃瓜

等表一本下在東京北

臣某言伏見今日日內出滄州所進白龍見

圖又出西內定禮池中青蓮花并神龍寺前

合歡蓮子示百寮二十三日又出鹽州所進
 合歡黃瓜圖者二氣交泰萬國同和動植息
 協於殊祥遐邇畢呈其嘉應披圖按牒聖理
 彰明臣誠懽誠慶頓首頓首伏以天地非遠
 睿感必通疊瑞重祥累集宮禁池蓮表異靈
 化非常敷彼青兕徵佛書而尤絕成其嘉寶
 驗祥經而甚稀積慶旁流自中徂外遂使龍
 騰白質乘秋果應於金行瓜合黃中表聖更
 彰於土德遠通邊徼近出苑園邊徼謂滄州也苑園謂定

禮池也合慶同歡周於億兆况復邦畿之內雨
 霽必時宿麥大穰嘉穀滋茂和風孕秀靈氣
 陶蒸是皆發自帝心達於天意周流升降成
 此歲功惠彼羣生自為嘉瑞臣某深惟多幸
 獲遇斯時觀靈貺之備臻知人之溥洽無任
 慶忭躍蹈之至

禮部賀白鵲表

臣某言伏奉進旨宣示前件白鵲者霜毛皎
 潔玉羽鮮明色實殊常性惟馴狎臣聞聖王

之德無所不至有感則應無幽不通伏惟陛下
 下恩震動植仁洽飛翔故得茲禽呈休效質
 伏以白者正色實表金方鵲以知來式彰寇
 服金方西方也淮南子用符歸化之兆克耀
 太平之階臣職參禁垣獲覩嘉瑞無任慶忭
 之至伏惟禮部賀嘉瓜表表伏惟臣某等
 臣某等今日內出浙東觀察使賈全所進誠
 州山陰縣移風鄉百姓王獻朝園內產嘉瓜

二寶同帶圖示百家者貞元十八年正月以常州刺史賈全為浙

東觀寶祚維新嘉瑞來應式彰聖德夏表天

心貞元二十一年正月丙申順宗即位臣某等誠慶誠賀頓首

頓首伏惟皇帝陛下保合大和緝熙庶類德

馨上達神化旁行書黍稷非馨明德惟馨嘉

瓜發祥來自侯服質惟同帶見直書之永均

地則移風知化育之方始雖七月而食幽土

歌王業之難詩七月陳王業也周公遭變於

業之艱難也七月食瓜八月斷壺又大戴禮五月治瓜七月食瓜五色稱珍

東陵詠嘉賓之會

漢郃平故為秦東陵侯秦破為布衣種瓜長安城東

瓜美世號東陵瓜所嗣宗詩昔聞東陵瓜近在青門外連畛距阡陌子母相鉤帶又色羅朝日嘉賓

未聞感通若斯昭著者也臣某等

遭逢聖運親仰珍圖怵躍之誠倍百恒品無

任慶悅之至

為王京兆賀嘉蓮表

王京兆名權已見上賀皇帝即位表

顯注

臣某言今日某時中使某奉宜聖旨出西內神龍寺前水渠內合懽蓮花圖一軸示百寮

者祥圖煥開異彩交映贊天地之合德表神

人之同權臣某誠懽誠慶頓首頓首伏惟皇

帝陛下道協重華慶傳種德書重華協于帝

氏臯陶之後故云陶陰陽之粹美孕造化之精英吉

慶每見於天心發祥必自於禁掖是使雙華

擢秀連帶垂芳香激大王之風影耀天泉之

水宋玉風賦此獨大王之風也文帝煥開宮

治旁映給園給園謂給孤獨園指言神龍寺也靈貺應期天

龍獲聖寶曆負茲於小劫神功永洽於大千

臣某獲觀昇平濫居榮寵聞瑞應而稱慶仰
續事而增歡續或作繪無任欣踊喜躍之至

為王京兆賀雨表一 李東陽曰此表出入經傳而詞更瑋

豕可

臣某言臣昨日面奉進旨以近日少雨今月
內無雨即須祈禱今日便降甘雨者天且不
違神必有據易天且不違而況於人乎密雲與綸言繼發
時雨將天澤並流臣某誠懽誠慶頓首頓首
伏惟皇帝陛下憂切蒸黎慮深稼穡思彼未

兆防於無形滲漉每出於漚恩變化亦隨於

廣運哀衷暫惕已矯御天之龍易時乘六聖

謨既宣遂洽涌泉之澤漢書吾丘壽王曰德澤上周天下滂泉

霽霽周布罪微四施霽徒感切霽音隊黍稷

盡成公私皆及詩雨我公田遂及我私禁夫鼓舞知帝

力之玄通官吏歡呼見天心之默喻臣某裝

入京邑動仰皇靈澤澤徒加涓滴無助無任

感悅屏營之至

王京兆賀雨表二

臣某言伏見今月二十四日時南海降伏以
 聖心積念天意遽迴移造化之玄功革陰陽
 之常數臣某誠慶誠忭頓首頓首皇帝陛下
 仁育蒼生恩同赤子自頃天雨未降時稼或
 愆^{一作}賤食齋戒至誠幽達又慮宿麥無備播種
 失時出於宸衷將令賑貸^{將一作}睿謨潛運甘
 雨遂周布濩垂陰隨聖澤而俱遠^{相如云匪}
 潤澤之匪惟偏之^惟滂沱積潤與恩波而共
 深^{詩月離千里}臣某才術無聞謬司邦甸生

成必資於帝九進退何補於天工沐浴大和
 慙荷無極無任慶躍屏營之至

王京兆賀雨表三

臣某言今月十三日面奉進旨緣自春來少
 雨定即差官精誠祈禱者十四日臣便差官
 分卦靈跡其日雲陰四合至十五日甘雨遂
 降伏惟皇帝陛下言為神化動合天心未成
 早曠之虞已積憂勤之慮眾靈受職蒼蔚且
 躋於南山^{詩蒼蔚今蔚今}百穀仰榮滂霈遂沾

於東作左傳猶百穀之仰膏雨也 昏謨朝降膏澤夕周知
 天人之已交識陰陽之不測然則周主徒勤
 於方社社一作岳。詩以我齊明與我犧羊以社以方我田既臧謂有事於山川也
 殷帝虛美於桑林呂氏春秋昔殷湯克夏於桑林剪其髮割其爪以爲犧用祈福於上帝 豈若無災而早圖未
 禱而先應化繇前聖道貫重玄徧坐向歡傾
 都相慶臣之欣躍倍萬恒情

王京兆賀雨表四

臣某言正 於三月二十九日奉進章於諸靈

跡處祈雨至三十日甘雨遂降者臣聞惟聖
 有作先天不違發令而祥風已興致誠而玄
 液旋被後漢書班固傳君昔祥風祁祁甘雨 臣某誠歡誠賀頓
 首頓首伏惟皇帝陛下側身防惠道邁周王
 詩江漢仍叔美宣王也宣王遇災而懼側身修行欲消去之 盡力勤人功
 銘夏后禹卑宮室而盡力乎溝洫 聖謨廣運驅百靈以從
 風神化旁行滋又稼而液澤穀也 油雲四
 合膏雨溥周詩芄芃黍苗陰雨膏之 農壤遂一於肥磽
 滲漉盡霑於遐邇磽丘交切與堯同 蒸黎詠德知必

自於聖心艸木欣榮如有感於皇化有年之慶實在於斯臣以無能謬領京邑上勞宸慮運此歲功無任喜懼屏營之至

賀親自祈雨有應表

一本或亦以作代王京兆然觀

表言得上都院官金部員外郎韓述狀報必代外州刺史作也

臣某言臣得上都院官金部員外郎韓述狀報以時雨未降親自於龍堂祈禱有靈禽羣翔自成行刻如隨威鳳以翼龍舟其日降雨者中謝○漢宣帝神爵元年詔日南鄉獲白虎威鳳為寶晉灼日威鳳鳳之有感

儀春伏以時或愆陽歲之常候式當聖日無害

豐年左傳冬無愆陽夏無伏陰陛下敦本務農愛人閔雨

宸慮所至天心自通故得瑞鳥迎舟掩商羊

之舞家語齊有一足之鳥舒翅而跳齊侯遣使訪孔子孔子曰此鳥名商羊昔童謠

云天將大雨商羊鼓舞其應至矣將有水災仙雲覆水協從龍之

徵易雲從龍初泛灑於上官遂滂霏於率土

自中徂外皆荷生成雨公及私靡不碩茂殷

后徒勤於自翦周公空媿於舞雩周禮春官

旱暵則臣以庸虛謬司垣翰有年之慶惟聖

